

甌

甄

洞

續

稿

龍興洞續稿

詩部卷之三

武昌

攜李馬夢禎校

七言古詩

江行遇方司徒於雲杜舟中言別

漢中之水排山來，方城南紀春雲開。
有客西浮訪名岳，風雨孤帆白浪摧。
道逢故人方元老，彩鷁朱幡天上回。
累歲招遊竟虛負，中流握手真奇哉。
岼柳窺人兩衰白，感時弔古恣徘徊。
張樂漸臨雲夢野，聞歌尚遶陽春臺。
九江東下日千里，道故未已新愁催。
好去

加餐翊明盛。何時十字傳高萊。

○老樹行

太和山中多老樹。枿槎礪礪相撐拄。豈其手植自元
君。剝盡風霜飽煙霧。秀奪崑墟綠玉柯。高凌漢閣黃
金柱。鵠頂虬枝不記春。蒼稜赤甲偏含蠹。十尋烏蔓
垂且枯。九色藤花豔相妬。葉掃天關象緯驚。根盤石
面龍蛇怒。餘陰尚可息千人。壯節何慙封萬戶。大峽
玄泉恣沾灑。仙宮靈氣常呵護。老夫過此獨含情。已
陟前峰復回顧。不是工師惜斧斤。巨材那得天年固。
○舟泊漢口武昌王使君偕其僚張李二君載酒

涉江見訪醉而成歌

漢口踈楊留繫船美人隔水遙相憐春風擁蓋臨江
渚中流簫鼓何闌闌病叟披衣起相送飛帆已落大
別前大別山前一携手心知豈必論交久雕盤新膾
武昌魚玉鐙細倒郇筒酒盡日追歡興未央蓬窓秉
燭延星斗星斗垂垂月在杯論文訪古雲夢隈幽蘭
不作靈均佩芳草徒增處士哀醉後狂歌君莫厭白
雲黃鶴相徘徊

飲王行甫蒼蒼閣醉題

臨臯萬戶東南郭中有詞人讀書閣野客能乘野興

來一覽山川第二鄂山川佳氣鬱蒼蒼白雲黃鶴遙
相將庾亮南樓隔烟水春申故壘平林塘林塘烟水
自今古吳魏紛爭誰足武有酒且醉醉且歌圖麟畫
鳳俱塵土塵土從來易誤人偏君閉閣甘沉淪爲問
江鄉幾知己能令此地生精神

詠齋中四石

南海之荷圓徑尺乘潮化作靈洲石紫稜玄萼解翻
風冶態柔姿羞向客萬里移來島勢分孤亭坐觀寒
光迫雖無玉井十丈花魚鳥縱橫都辟易對酒疑聞
函蓄香懷人似恨芙蓉隔不隨群卉競芳華幽意卻

宜居士宅

右石荷葉

何處飛來數小峰參差跋地將排空豈應嶰谷林中
筍穿我庭階破綠叢籜解龍鱗玉膚嫩梢分鵲飛霜
幹雄人間五嶽圖不就海上三山削已工雨過常愁
石乳滴移之几素增龍嵒峰頭隱隱欲烟霧蕭灑圖
書一畝宮

右石筍

齋前片石披烟霧奇形宛是山中兔赤目雄毫委伏
藏卑前倨後休馳驚豈其搗藥月中來猶畏置羅復

四顧出海慚同水怪羣深居穩避韓盧怒不營三窟
已無憂何須八竅還能吐卻笑齊時東郭魏疾足騰
山終自悞

右石龜

甲蟲三百有六十誰爲其長稱神龜一石遙從海人
獻蒼文赤坂何離奇真形尚似著根伏穩步猶虞蓮
葉欹我聞神龜善服氣化石千歲夫何疑不然總逃
豫且網那得更謝臧文祠携來置汝壺山麓儼戴蓬
萊海上移

右石龜

荅吳次魯短歌

有引

次魯山人自新安遣使持香達磨一尊高士
圖一軸傳以長詩致予爲壽予感其意賦荅
之

空山畫卧屏未啓何自足首動吾喜病叟煙霞七十
年故人書問三千里長歌慷慨凌長風白岳黃山供
指使化作彩雲江上飛飛入齋頭勢未止中函二妙
代稱觴松柏岡陵鳥足修達磨香像補陀居高士風
神圖畫擬事佛方漸墮業緣巢林暫可離塵滓按圖
瞻像心爲清與子相望不盈咫

贈陳忠甫將軍

何物將軍文且武壯年節俠傾三輔結客雖多海內
豪一寸雄心未盡吐竭來訪我萬山中入坐掀髯面
如虎自言頗表世家兒學劍學書心獨苦投筆曾期
定遠侯後車竊慕師尚父草檄風如運郢斤縱歌響
若撾天鼓上馬能盤丈八矛射狼獨挾千鈞弩北走
龍沙過雁門長揖元戎策騎虜塞垣諸將半及門
天子知名錫龜組旋提一旅鎮潮陽三敗烏夷無隻
鴈時平海國議藏弓願解軍符爲士伍歸去無家不
解愁夜半聞雞還起舞要樞推轂豈無人裨將偏師

終小補不如老作尚平遊五湖五岳皆吾土短褐猶
堪掩戰袍鉛刀未必輸齋斧古將帥出必齋戒於廟受斧名曰齋斧萬
里浮湘與不遠須君一語張千古開樽與結布衣交
郊園十日恣臨觀酒酣欲別江雲高何以贈之蘭與
杜

醉茶軒爲詹仲子題

詹郎好奇軒亦奇不嗜麝香山茗拂案閑翻陸羽
經焚香淨拭彌天鼎詩魔小怯睡魔驕起抱鴟夷汲
清洞鳳嶼鳩坑品較殊黃芽紫笋香相等籠頭自煮
松風生舒叻細嘗豁霧冥得意難與杜康言頌德寧

容伯倫並有時操約同坐聽衆月提壺坐烟艇牛飲
何曾讓酒池鯨吞恨不移中頂中頂山名在雷鳴茶掀髯忽已
縱歡呼鼓腹頽然成酩酊縱使酩酊老醉鄉猶勝世
入千日醒

食麥行

歸耕不保凶年厄十口嗷嗷無一策貸粟趨趨乞糴
艱食稠典盡餘空宅分耕裝飯屬伊誰戶外親朋都
削迹枵腹誰傳辟穀丹飛身卻少垂天翮中厨并日
一炊烟老稚相看常慮額學古兼嘗百艸根須臾忍
死待新麥平明曝麥丙夜春千顆黃珠成粹白旅滌

菜蕪甑口塵蒸時穀氣投入嗔寢廟馨香此乍同淖
沲急難那能擇一飽翻愁七箸傷餘腥免致烏鳶嚇
病婦癡孫菜色回鼠腸雞骨銜恩澤縱然粗糲且自
寬猶勝餓屍橫道積

苦熱偶作

赤日亘天天爲焚人烟水氣愁氤氲據牀如枕沃焦
土脫帽偏蒸火宅雲卷舌垂頭汗交臆銅烏石燕無
消息狂呼欲造清虛域一夜何當生羽翼

秋日山行苦熱聞野哭作

八月無秋暑尚伏火雲燒空爍焰轟七旬雷電只虛

張土毛枯盡山山禿野色荒荒金石流黃塵四起昏
林麓耨耨方盡電生蛇耕夫饑婦齊聲哭去年饑莩
盈路衢今歲餘生亦溝瀆無計回天但問天天乎何
意降茲毒夜橫星漢曉飛霞明日炎威仍熯熯漏刻
難忘鼎鑊災垂頭喘喙逾窮蹙呼租之吏日在門萬
命惡愁死不速

贈袁子遠短歌

虎頭虬髯何爲者朝叩蓬丘暮次野仗策擬拜飛將
軍提兵曾試假司馬還圍塵清海不波白猿黃石柰
君何飄然解印反初服浪跡翩翩五岳多道遇真人

援玄秘長生不用餐芝朮過我無言但舉杯一醉仙
家抵千日

中秋前二日自石門莊醉歸道逢從孫宅携酒
雙港橋同士兒呂壻對月深飲卽事成詩

平田水落雙溪灣十里湖光吞萬山明月中天露滿
地老夫醉跨青牛還俄聞踏歌頓頭出知誰載酒相
追攀停鞭且就石梁飲鷗鷺已息魚龍閒子壻婆娑
起爲壽兒孫侍立俱酡顏草青沙白秋氣爽百年此
會非人間天河半浸星漸暗來日陰晴了不關

秋日賞紫牡丹詩

有引

山園所蓄諸牡丹獨新移魏紫一種經春不
開心竊訝之至八月末旬忽開一花娟麗可
喜此不知何祥也亟呼兩兒子進酒酌之

魏氏紫牡丹洛陽故無賈欄輕百寶妝圖擲千金寫
偶移此種來山家當軒種之春不花怪是花妖厭貧
賤豈知造物留精華白露零零霜欲降胡然一朵迎
寒放秋風已殺枝半枯暮景何常神復王纖霞小挺
赤城標望氣函關路不遙三桂九芝都失色西子楊
妃敢並嬌老夫生平不言瑞對此如狂只思醉汝輩
寧忘愛日心時平好奮凌雲志

霜降日同徐應時登石門山因視予所卜藏地
醉而放歌

夙約登高九月九旬日還登亦非偶四望晴空削萬
山犀山突起標南斗連雲疊作錦繡屏出峽三龍競
驤首霜點丹楓映陸離霞蒸彩石蟠紛糾雌雄分合
宛靈區中藏石竅如神曰豈我能操相地經造次聊
揮捧天手龍淵有氣即衝星龜壁無心偏壓紐若待
空中下玉棺猶防力士負山走幾度徘徊去復來茲
行况挾芝蘭友攀緣絕磴拔蒙茸指顧前峰成培塿
儵忽未開渾沌竅楊樹欲生支離肘一線江湖辯履

秦雙輪日月爲扇顰眉睫之間軫翼縣披襟萬象無
何有可知生死但朝昏彭殤入土誰先後誅茅擬築
大霄宮把菊且傾千日酒捻拚黃壤託枯骸肯對清
樽減笑口

頤子承先生八十壽歌

南極宵分燭江涘朝來麟鳳二山烟光紫藹然佳氣
接崆峒合有至人居礪礪采得三花薦壽觴圖成五
老充文綺玄真消息河上公道德淵源柱下史九節
杖頭雲葉披萬年枝上露花索非綠抱一還太和誰
識觀空悟元始文籀裁爲鵲尾冠長松偃作烏皮几

芝罘造席領丹經桂父登堂歌燕喜新長椿苗八十
霜坐看桃實幾千紀楚騷何用遡庚寅絳朔虛勞數
甲子世外遨遊沖漠鄉塵中眇小衣冠里川陵變化
曾須臾莫道河清不可俟

冬日苦雨作

冬來一雨四十日城郭郊原紛蕩滴濟旱雲霓恨太
遲非時雷電亦何疾高天四曜黯不舒朔氣憑陵風
瑟瑟二麥未苗三雪侵忍死逃生計無出千家痛哭
總心寒一卒追呼辟股栗剗肉倉皇了積逋天網何
如繭絲密泥塗顛躓敢咨嗟造物矇矓誰究詰縱使

媧皇今復生赤手難施補天術

上元夜醉歌贈梅泰符

有引

以下字即底

是夜泰符自通真觀來與諸客觀燈歡飲獨
醉據案成詩歸過北門橋露卧其上賴門者
覆以衣襦達旦而醒一無所苦余聞而奇之
因作歌云

下雉城中夜如旦火樹熒熒燭宵漢美人行歌戴月
來登堂呼酒爵無筭稚子張燈只數輪諸客揚眉縱
清玩不羨豪家七貴裝居然四壁群星爛隔市隆隆
鼓吹喧嚴樵隱隱更籌換何物宣州世家兒少年才

美江南冠喝雉探鉤興未涯
醉態婆娑憤欲嘶起看
北斗挂庭柯猶能倚席弄柔翰
屈首須臾八詠成奇
哉滿坐俱驚歎辭歸偃卧高陵橋
天明訝失玄都觀
卻喜監門識異人解衣覆作茱萸
幔曉露春寒總不
侵湖上千山皆玉案

月夜茅平仲吳叔嘉戚不磷過飲舟中醉賦鼓
字

海雲西飛月東吐一曲風瀾漾璣組
有客城頭散步
過登舟宛坐清虛府開樽對月且
論文豪來意氣凌
今古河漢森沉露漸寒中流夜半
仍簫鼓酒盡還拚

典鵬鷖詩成漫復騎鸚鵡吳飲楚調兩相驚千載詞
盟定誰主

王太古自虞山過婁東見訪偕至吳閶數日言
別兼訂入楚之盟

婁江東下海潮迎短楫飄飄天際橫不道君從海隅
至八年一面魂相驚別來佳句膾人口貧病羈栖倦
奔走哭母心傷難骨存呼天氣激龍泉吼扶携且上
姑蘇臺千里吳雲黯不開羅綺紛紛競游冶淫哇滿
耳何爲哉乾坤自可一知己重按朱絃一流水更約
浮槎江漢遊爲君先拭林間几

荅程太冲寄題北園

北園短榻麕毼中藏身敢比東園公世上浮名避不
盡老來旋學觀虛空談諧每狎東方朔賦詠何如左
太冲石塢雲林半幽窈池上諸峰插天表怪哉千里
水相過詩成便覺烟霞繞豈是神遊濠濮間寄情不
必親魚鳥長干道上驚識面竹笠藤衫六角扇結客
嬾從王謝徒揮毫欲與曹劉戰片言得意賞千秋六
代豪華君不見

荅東柯生見訪長詩

莆中勝槩文明盛閭巷詩書鳴上國忽有方外東柯

生迢遙訪我滄浪側圖卷聊充海客裝風標似帶壺
公色結交頗欲傾名賢奔走何曾爲衣食投我新篇
氣亦奇豈應詞苑無人知豫章老友宗良氏尺素憐
才遠護持重來不憚浮湘險一見猶稱御李遲獨愧
老夫貧且病無力能爲華舍資况復炎蒸毒方銳喘
息如焚語如癡巾屨塵生楮墨疎從他禮數難相制
淹留且待秋風清稻熟鷄肥酒堪貰散髮郊居水石
間陶然一醉看浮世

送工兒赴省試

吾兒弱冠曾虛名繡虎雕龍人所驚七戰詞場不得

意年過三十仍儒生雄心未銷長歎息逢機更奮渾
池翼大器由來屬晚成懷才豈竟無人識兒不見公
孫下第董下帷名對已非年少時抱策能如漢文學
致身莫道青雲遲又不見古來名將無常勝背水背
城氣先定一鼓須臾萬敵奔旋師處處饒歌應

申美中孝廉邀遊吳氏園亭醉作

解纜百花洲來遊萬石園舍舟造烟扉劃焉開洞府
衆山何處突飛來斷續低昂駭人覩踴躍群趨秦使
鞭玲瓏巧奪蜀丁斧列嶂排空爽氣分中峰射日靈
光吐修篁茂樹穿巖阿風來雜沓虬龍舞碧澗滌澗

翠磧浮戲藻游鱗紛可數
褰裳欲涉愁無梁忽有雲
根堪步武陰崖遠谷瘳生
寒携壺出就辛夷塢斜陽
已醉北山公明月偏驕東
道主老態婆娑癖好奇景
物依人作今古此地非逢
我輩看尋常一片吳州土

觀日樓爲郭美秩孝廉題

我聞泰山日觀峰坐見日出東
海東匹練遙牽閭闔闔
白陽輪倒射扶桑紅天鷄初鳴
夜未旦妖蜃欲息烟
先空沙珠照耀蓬萊島水怪憑
陵碣石宮誰移此景
三千里忽置仙郎小閣中
夸氏負山休角力秦王鞭
石難爲工鄂臺楚殿排闥入
大觀大別虛軒通日上

何兒辨遠近風來有客知雌雄七澤三湘氣蒸鬱千
門萬戶光瞳矐此時仙郎振衣起奮迅欲向層霄翮
一江霧色招黃鶴徑寸文心吐白虹徒倚望京如望
魯卿雲片片飛穹窿

卧遊閣詩題贈項叔定

東甌海氣何旁礴鴈蕩龍湫渾沌鑿雪橙曾躋王右
軍烟林尚想謝康樂何哉叔子更好奇傷海新營卧
遊閣適意無妨婦孺遲懷才反畏功名縛高枕群書
足古今憑軒萬里如飛躍衡眉縹緲入神山胸腑汪
洋藏巨壑八極寧須駭足馳九州自可跼弦約平臨

日觀夢中縣俯瞻霞標天外落竹杖聊停不住蹤松
醪且當長生藥偶然命楫浮江湖遂尔乘秋禮衡霍
訪我迂迴處士洲留君共飲騷人酪洞庭雲夢亦大
觀持以贈君良不薄

題飲中八仙圖

飲中何代八仙人仙骨已朽名尚新杜甫作歌歌亦
醉仇英寫像像如真婆娑跳踔各殊態軒冕落落樽
罍親銀瓮拍浮香不散玉山頽倒涎津津式歌此歌
像此像猶然美味沾吾唇驚代賢豪一時聚詞才酒
德傳相珍睥睨乾坤摩日月無如此物堪藏身鯨吞

頗欲枯江海牛飲何曾問主賓
百榼千觚興未盡周天幾度移
星辰酒池濡首糟丘卧黃石
赤松皆比隣不須采藥上蓬島
不須畫影登麒麟但與麴生共
朝暮須臾混沌成千春老夫合
是圖中客把酒呼君若有神雷
霆不開山岳小與君曠世逃風
塵

登鎖江樓

片帆咫尺浮江州匡廬好是吾
家物九疊雲屏倚郭開九江烟
水平如熨幾日沙頭看未休維
舟更上鎖江樓廻岡曲引龍爲
阜軒楯平臨日月流石塔峻嶒
起霄漢還似當年一柱觀東西
吳楚掌中蟠橫絕何

須憑羽翰老去登高氣尚雄坐攬千峰與萬峰誰叩
二鐘和廣樂且提雙劍揮崢嶸

南康五里橋卽事兼簡田使君

五里山前啓靈輿蛇形起蜿蜒形伏匡家兄弟不敢
居巖下老人甘露宿一朝闢作上帝宮片地能延十
方福遠近風聞帝力玄千門萬戶齊齋沐頂香束帛
道家裝八路交馳轡相屬逡巡合掌頌仙經不斷慈
聲振山谷私願無端各自宣七星旗下禱且哭罷癰
瘡瘕乞神膏一勺美如珠萬斛登借當年漢時靈播
桑已熄光仍復廬岳尊堪配武當天池氣欲無王屋

使君相地合有神此中疑已聞三祝

聞馬義徵與邵子俊談篆隸書法并觀其所製
圖印喜而作歌

滄浪主人拙欲死臂指雖存不相使捉筆如操十斛
弓學書但汚赫蹠紙點畫拘攣類結繩安問六書與
八體臨池自笑忽自失江上翩翩來二子艸堂置酒
酒半酣涼颼入戶談鋒起似發當年魯壁藏古今判
若淄澠水昆吾刀法豈失真銅章玉印懸相擬薤葉
垂垂栢幹枯觀者盈眸乍驚喜我聞太皞開鴻荒八
卦先天文字始萬年龍馬千年龜十字碑文九字璽

鳥跡蟲書事有神鼎彝竹帛傳無已五岳真形禹蹟
荒六藝千秋寧闕史秦時丞相漢中郎變格分塗漸
殊軌叔季以來多匠心鍾王諸姓家爲壘人間故物
已非初世遠誰從辨魚豕楊膚劈作魯陽戈蒿尾刻
爲蕭慎矢金石旣敝棗木災巧拙都非倉籀旨本朝
作者號中興表章寔籍王元美昔者吾友文與黎
惟好古識奇通妙理翰墨珍藏學士家一代風流朝
露委孟孺苦心今擅名通侯偃蹇躡其趾馬生起舞
郢生歌滄浪主人嗟老矣

徐公勸農歌代父老作

畫壇苦雨雨初集出郭勸農農務急辛苦單車歷四
郊披烟觸暑觀原隰周官月令此何時漢吏循行誰
更習一日宣傳古道興沿村父老歡相揖水田澆澆
紛流膏到處耕夫挺簞笠瞬息仁風解鬱蒸盡道君
侯遺我粒君勞與我同憂勞天與君侯共呼吸賜帛
寬租恩尚遙爲霖濟旱猶堪及邇來不聞一卒呼萬
室鷄豚盡安輯只恐它時借寇難又隨天上徵書入

釣臺詩

有序

休寧邑南三十里有釣臺石高不數仞下俯
臨谿與予故人程汝揚先生家最近先生自

解辰州歸途絕跡城府誅茅結亭其上寄情
遊目宴然安也一時邦人士郡大夫爭高之
好事者因標其楣曰百代清風先生其庶幾
矣今先生下世且久而其仲子涓恐遽湮滅
遠索予詩紀之將鐫諸石嗟乎予亦漁釣之
徒也安得一足此石而招先生哉

白岳飛來一拳石當谿影浸玻璃碧遙知水脉穿萬
山誰測雲根插千尺陰磴常棲太古雲斷崖非假巨
靈壁下有蒼蒼舊釣臺綸竿不繫莓苔積何人選勝
辟荒蕪五馬歸來楚大夫亭開七里桐江岬障盡三

秦渭水圖百代高風回旦暮十年清夢落江湖問它
濠上觀魚者非我非魚樂有無

題淇園四景圖贈何興父

有引

圖蓋梅花道人舊稿此臨本也雖稍失真而
風雨陰晴四景猶具亦一人間異物宜興父
襲以爲清玩乃命之曰瀟湘萬頃豈別有據
耶頃予臥病伏暑而興父適以此卷來索題
忽覺涼風灑然至也因先易其名而系以短
歌云

六月逢居苦炎熱何來一簇青琅玕函開已覺圖書

爽卷盡忽驚毛骨寒誰爲仙郎布此景淡飛淡埽俱
奇觀聲將鼓吹山前送影借簷簷谷裏看由來一片
淇園地風雨陰晴變筆端一作端烟稍露葉解起舞款
沙斷石支檀欒漢使虛傳大夏節虞妃誤點瀟湘癡
七賢雜還不得入二仲亦惜過從難陸海萬竿莫言
異渭川千畝莫言寬枝分擬叶龍吟律籥解猶成鵲
尾冠倚案依稀灑冰雪千雲綽約巢鳳鸞此時但傍
此君醉何異仙郎來結歡

書贈穆情

廷尉之門可羅雀縣車謝事營丘壑賓客散盡穆生

來脫身避難從棲泊主人好士更好文記室圖書
有託執鞭秉燭佐行遊奔走何曾待童約有時側席
奏新篇四坐賢豪盡驚愕家監廬兒屬異才呼酒倡
酬無筭爵君不見晏嬰途收越石父知心何擇負芻
虜又不見漸離淪落宋子傭知音一日登樽俎古來
英傑困途窮牧羊刺豕終非伍吁嗟噫嘻穆生遭遇
亦已奇豈有餘懷不盡吐

墮馬行戲贈俞羨長

九曲溪流貫石梁乘春挾客來浮觴觴來鼓飲無餘
瀝興盡群峰挂夕陽蠟屐不知老夫老據鞍卻羨狂

生狂崎嶇歸路出村畦奔泉飈飈風淒淒九畹未窮
三墮馬角巾野服蟠污泥呼兒推挽臥不起猶誇欵
段爲霜蹄醉態頽唐忽自罵裸身盤礴高林下道旁
觀者稱絕奇一蹶可當千里駕劉伶荷鍤但虛名畢
卓枕甕亦長夜自愧老夫翻獨醒肩輿安穩上江舲
四肢無恙且高枕蓬底參差散列星旦起題詩浪相
謔請君爲我書齊子

短歌贈寇巨源

寇生懷才何卓犖不好力田好遊學一日詩名動上
京遊踪便欲窮川嶽酒徒旁狎博徒親傲睨軒裳編

齷齪生相居然戴虎頭千時那肯扣牛角歸來金盡
舌尚存妻子蕭條處蝸殼短劒聊憑牛斗彈長纓每
就滄浪濯有時乘興造吾廬白石爲牀青蘿幄抵掌
論文開古心長嗟季子能知樂信義堪追北郭騷恢
諧更肖東方朔江漢之珠幸未投沅湘之蘭常在握
老夫壯氣猶難平醉任黃河自清濁請看誰是眼中
人斥鷃紛紛嘲鸞鵒

韓使君送蘭佐以鳳尾蕉夾竹桃各一本走筆
謝之

新暑毒尚微薰風爽巾幘俄聞王者香來自使君宅

九畹靈根帶土移新培石斗含脂澤英英弱幹吐芳
華清臭能醒愁病客使君相念亦何勞一握同心義
已高更遣二奴趨左右鳳尾芭蕉夾竹桃桃枝綽約
苞紅紫蕉葉旖旎揚旌旄忽齋頭美成粲何當對
賞傾濁醪

五言律

與紀從事旭仁二首

六子辭京國翩翩後進生詞塲分赤幟俠窟按青萍
御李誰相重咻齊衆所驚十年湖海意杯酒爲君傾

其二

南州無二士漢榻至今懸之子青雲薄時名白面傳
好文知汝癖問字欲誰先爲發清狂興歌予望海篇
送郝仲隆暫還新安

作客三湘久思家五月殷扁舟涼夜發斗酒路岐分
目極滄江樹詩裁白岳雲秋鴻倘相憶何靳一書聞
漢口曉發同郭仰甫卽事

烟江侵曉發况與郭同舟只似騎黃鶴何曾犯白鷗
風來神女峽帆指庾公樓詩就誰工拙樽開且勸酬
舟中逢仰甫生日有贈

何忝汾陽裔且當強壯年浮槎常作客採藥定逢仙

沙鳥同生事江魚入壽筵南風解新暑聊與坐談玄

過寒谿寺

陶桓公得文殊銅像于海上送之寒谿即此

艤棹寒谿口溪幽石影寒穿林尋古寺啜茗坐蒲團
獨有文殊像還如海上看高僧傳法處芳艸自空壇

蘭谿過顧子敬邀飲舟中作

偶過蘭水上偏遇握蘭人共汎滄波去分懸雜佩新
江雲浮鄂渚野樹入蘄春坐喜飛帆疾都忘計酒巡

漢口舟中與子敬夜談

殘月磯頭吐飛濤樹外鳴客乘烟艇過坐愛晚涼生
弔古蘭蕙色論文江漢情悠然心境寂鷗鷺不曾驚

初春向侍御蔡卿見訪

紫禁纔簪筆青門遽拂衣無煩嗟直道已自息塵機
雪後欣相過花間醉不歸論詩到風雅始識衆音非
閱蔡卿詩有贈

岐路縣相同參差反故林國中元寡和澤畔偶行吟
意豈雕龍盡機從相馬深把詩歡不定衰晚一知音
吳仲足自都下以漢象圖書見寄因贈

汝亦吾宗彥游揚自上京六書緣象數一字走公卿
已謝雕龍技兼知倦鳥情按圖窺古色能使薜蘿驚
同諸文學攜具登富川樓邀宴向侍御方山人

卽事二首

登臨湖上好況復遠塵蹤檻拂雲間樹軒憑雪後峰
沙棠漁子戲生菜野人供莫怪採春興偏當晚照濃
其二

爲惜青陽緩携壺傍水濱樓臺通四野景物向三春
浦口移商泊沙邊集釣緡交歡殊未已纖月起城闌
過世仰留宿

不淺通家誼迺從肯厭勞交能忘尔汝居僅翳蓬蒿
月色中庭滿江聲入枕高淹留已三宿猶自漉新醪
贈孝子談衷廬墓詩二首

汝解終身慕人驚孺子哀青鳥古兆出白兔遶山來
斷髮纏枯骸椎心撫夜臺可憐憔悴色垂老向誰開
其二

豈有椎牛饗還思弄鵲年寒雲蔽中野老淚及重泉
恨自終天結名當百行先黃香無被袴楚史至今傳
荅郭生

郭隗千金士嗟無自薦期挂帆隨處泊賣藥少人知
偶過滄浪浦先成被袂詩林亭春正豔不羨永和時
穀雨後隕霜

已足分禾雨俄驚殺草霜農書占歲令國史定災祥

燕雀寒相弔茅茨濕不妨春深重挾纈何處覓韶光
偶過汝脩山居留飲即事

爲憐招隱癖扶杖入山阿稚子烹魚出田人叱犢過
移尊坐芳樹鼓掌發清歌不必傷遲暮餘生醉裡多
齋前薔薇盛花喜而成詠

小苑無人迹花時亦豔陽細縈脩架滿忽作錦屏張
過雨驕新態微風鬱異香坐來忘白首隨意一揮觴
寄贈王文植方伯六十壽詩

每憶長安別緘書又歲年因君謝方岳舉世重林泉
日藉銜杯遣名從抱甕全欲操瀕口楫千里叩談玄

其二

聞君新築圃乃在壽山腰小隱成詞社餘年享聖
朝放歌雲夢渚懷古驕驕橋不必求丹訣群仙可坐
招

劉長卿黃以仁過飲北園二首

索處差無恙相求忽有朋徑穿幽篠入臺蹴細雲登
縱目千峰霽臨流一鑑澄荷風吹石檻漸覺晚涼增
其二

百卉何蒙密開樽俯曲池亭涵山意足石勒水痕滋
紫籜披湘竹高花爛蜀葵酣來無一語貧病友人知

寄贈吳次魯四首

有序

次魯名宗儒新安人於予初未有交遣使詒書陳叙慷慨因以所著止耕堂詩數十首屬予彈射之予讀其詩澹然隱於農也自適其適者也遂亦贈之四首用荅來雅云

未識新都士緘書越萬山迹堪農圃混心欲古初還黃鳥仍求友青雲已閉關新詩殊意氣那敢爲君刪

其二

自厭千時策歸來但問耕猶緣耽誦讀亦復見才情負年璜溪出揮鋤白岳驚秋風動場圃萬事一樽傾

其三

數畝寧辭隘藏名且歲時每看嘉種集欣詠大田詩
賽鼓村翁過禳年社酒移何如三徑叟日日醉東籬
其四

不赴淮南社歸耕隴上田蝟毛看濁世牛口卧名賢
義藉投桃重情知御李專幾時能出谷更上剡溪船
送程萬里還江西

念汝孤舟去况當三伏時江雲流大火浦鴈迫秋期
慷慨曾投筆蹉跎負建旗看君真鐵面毋謂策勲遲
送工兒應試二首

上書嗟屢困猶喜是強年賢路今如廓儒家業已專
風生江漢水雲翼孝廉船坐觀蟠龍奮金鱗燭九天

其二

太史掄文日吾兒獻賦期十年如有待一顧敢言遲
擬附賢臣頌無忘國士知風雲成遇合努力報明時
新秋偶過南莊即事八首

一夜涼颼動凌晨理釣船急排滄浦出已汎碧湖前
萬樹都含雨三峰儼在天山家幽事足只少是豐年
其二

短檣橫塘繫肩輿仄徑過田家新得雨野水忽生波

不見修場圃猶聞閔稻禾古來秋省歛租吏近如何
其三

殘暑晝相迫逃之萬竹中山舍經宿雨林響驟來風
稚子移書帙鄰家過酒筒自憐幽獨好宛坐太清宮
其四

灑汗行阡陌良苗半有無螟螣紛作戾曠旱已垂枯
一雨嗟何晚三農困欲呼相看多菜色辛苦問官租
其五

躑躅村橋外縣泉挂石西可憐山氣爽忽漫野烟迷
接隴荒秋作逢人病夏畦何當下優詔恩澤海天齊

其六

別業西隴口長渠引石泉旱來成涸澤行處卽荒田
餐粥供難繼糧鉏力盡捐那知逃世者垂老尚憂天

其七

谷口村居僻蕭然九畹堂古槐陰石砌脩竹蔽雲岡
暑氣叢林鬱秋懷獨夜長偶驚微雨過旋起試新涼

其八

開山種萬樹山氣日嶙峋差擬樊侯漆寧同傲吏椿
扶疎千丈質潦倒百年身卻借場師術終焉託隱淪
再過汝脩是日俱病不飲

相憐俱老病相顧獨徘徊自可炊糜共無煩載酒
道窮諳世態心苦辨詞才擬踐山園約秋花待舉杯
曉過北莊卽事四首

清秋湖上約的的向殘更岼轉群星散波漂一蓑輕
前峰纔曙色高樹已蟬聲衣袂沾涼露悠然遠世情
其二

故業餘耕鑿先廬傳薄田歲時聊自給賓客但相憐
未遂沾時雨那能慶有年隔林喧老稚抱瓮汲山泉
其三

赤日蕩河洲村童出飲牛嘉禾都閔旱落葉漸悲秋
甌甌洞續稿

實恐如縣磬虛勞祝滿篝總忘天下計寧免野人憂
其四

萬卉怯秋陽山田處處荒難從河朔飲且就竹林藏
飯自鄰翁裹羹分野菜香此時留一飽猶勝瀉瓊漿
憩石門莊示兒

吾兒讀書處山靜石爲門宅舍無三畝桑麻自一村
涼風翻案帙午日歇盤飧不見莘田叟驚然此道尊
九月三日與莊則勸俞敦甫及從孫寰同過石
門視兒無忌兼登犀山即事四首

水落雙橋外經行忽自疑泛舟曾幾日驅馬卽如斯

先是八月霜氣延村落秋懷藉酒卮山間便野服麋
鹿與爲期

其二

野老休場圃吾兒困典墳課耕聊卒歲閱世總浮雲
榻外雨初霽花前客已醺下帷傳素業那得廢論文

其三

幾日秋容變千林木葉摧偶尋山逕入又過石門來
飛巘凌層漢濃雲覆古臺登高近重九野菊傍人開

其四

載酒看犀嶼登臺俯雉城淡雲千樹小斜日兩湖明

爽氣生平野，靈光接太清。可知樵徑裏，不着世人情。
過阮汝真宅，贈以六十壽詩二首。

九月溪流淺，牽舟百里賒。爲乘子猷興，來訪嗣宗家。
故態存杯酒，新詩遺歲華。延年無異訣，醉卧枕青霞。
其二

命駕元非慢，稱觴豈待招。向來齊齒髮，垂老共漁樵。
機息占長壽，形忘見久要。可知浮世外，無地不逍遙。

欽定四庫全書
詩部卷之四

武昌 吳國倫 著

樵李 馮夢禎 校

五言律詩

酒船初成漫賦二律

窾木浮偏穩，編蓬坐亦舒。
湖湘元澤國，舟楫好吾廬。
豈必馳名馬，聊當學捕魚。
醉乘明月泛，直欲上清虛。

其二

短棹纔如筏，狂呼是酒船。
携壺看水藻，邀客醉江煙。
落日烏檣動，行雲雀室縣。
高風慚李郭，亦自擬登仙。

偶過龍湧寺士兒與俞敦甫從之周吉甫茂才
携酒後至

登高無夙約興至卽名山
沉入樵蘇徑如穿虎豹關
寺門千嶂合雲物九江還
萬象何寥廓都歸騁望間
其二

周郎何好事索我半山中
几席香臺布壺觴小徑通
泉聲清萬竹雨色淡雙桐
不厭行杯促須臾白社同
宿九宮山觀與阮汝真夜談二首

共有登高興招携九月來
草荒迷藥井雲淨出丹臺
遠檻群峰暝衝星古觀開
授真人不見中夜坐銜杯

其二

入山同阮紹采藥遇胡麻豈即天台路聊尋羽士家
老餘仙骨健在益酒懷賒一枕黃梁夢浮生總未涯
過譚少府大本池亭留題二首

國君擅立壑乘輿遠追攀徑遶重隄曲池開萬樹間
垂綸過水檻枕石卧雲關不是薜彭澤那知倦鳥還
其二

翦棘營亭榭悠然在水心引流穿石細縣棧入雲深
艇泛旋花塢梅開傍竹林但知濠濮意身世儘浮沉
六都道中望九宮山

石徑緣千澗沙田辨六都土風猶近朴客興未全孤
杖屨偏名勝神仙竟有無九宮天際出何得馭飛鳧
喜呂賢惟烈至自粵西

世義潘楊重津途楚粵輕由來真相種不忝是吾甥
賢薦佳期近乘龍喜氣生豈知裘褐女亦得侍簪纓
其二

冰泮一陽回清湘畫舫來遠修親迎禮爭識象賢才
五綵編爛熳時憲其大夫人同行三公闢閱開異時占宅相佳
氣嚴瑤室

贈楊伯武二首

伯武名家子探奇作遠遊壯心橫朔漠長揖謝王侯
偶繫山陰棹同登湖上樓壚頭新釀足信宿爲淹留

其二

說劍名猶俠攻詩氣欲降飛揚歌出塞蕭瑟賦哀江
秉燭雲生榻停杯雪滿窓試論天下士誰得號無雙
張叔見自興國擢武昌郡丞稱賀二首

五馬駕輕車康莊萬里除人傳清白吏帝覽治安
書布德專城久承恩刺郡初兒童休卧輟咫尺武昌
居

其二

至日除書下江鄉喜氣多官遷仍借寇地近亦思何
累績更三綬清風襲五紵茅齋漉新釀行縣倘相過
贈鄧廷魚二首廷魚故南康諸生晚好玄學兼
習形家言遊子一年所不能別爰有此贈

白首仍儒素玄談自異人相忘爲客久頗不厭予貧
竹籙傳中壘青囊破景純南州時望氣牛斗失精神
其二

自厭干時策新傳相地經掌中規法象圖外測真形
鵲占如響鞭龍杖未停藏書何處可遮莫問山靈
段生見訪與飲北園

卧雪門深閉君偏問字來偶穿幽洞出驚見蚤梅開
石乳沾衣袂林花促酒杯遠峰銜落照扶醉一登臺
元日程孟孺過飲

病起占三朔東風已落梅湖南春事蚤花外酒人來
榻傍城陰布樽迎雪意開總無浮世語那得不徘徊
春日陪孟孺拜先大天墓有感

與子交何晚相憐意獨親重題三世碣詩孟孺爲我書先君先兄
及亡兄諸墓碑因弔九原人歲閱松楸長山寒雨露頻蘭漿
一以酌凝望轉傷神

贈孟孺北遊

已結燕臺轡仍停雉水舟懸金非所羨抱壁向予投
書法沿倉史詞名慕沈侯墨林稱獨步珍重帝鄉遊

其二

看君揮彩筆直似引風斤變格從三昧忘機就八分
有時頭濡墨偏覺氣凌雲好上圖書府重摩鐘鼎文

初春病起寄懷則勸一首

時則勸病亦新愈

逝景忽如流生涯竟一丘衰年常病肺勝日轉含愁
地接飛雲洞江清捲雪樓幾時同載酒更作采芳遊

其二

自翳蓬蒿徑過從賴有君那知同病後遂作隔年分

萬樹流春色千山宿暮雲盤中具生菜遲汝一論文

寒夜偶作

永夜寒無寐殘燈起自籌如何婚嫁畢不減歲時憂
同輩看盡盡名山負遠遊棄家猶未得何處訪丹丘
問鄭汝志病二首

聞君意不慙卧病且經旬豈厭嚴樓僻仍傷世局新
風雲誰疾足藥石且存身何日同修禊招邀雉水濱
其二

溪角雲連屋閒居鄭大夫挽舟曾問訊得酒競喧呼
雪後懷偏劇春來興豈孤加餐定強健遲汝踏藤鞋

與貞吉飲北園值雨有二客繼至得二首

三日園中約朝來喜乍晴一樽携入竹諸客坐班荆
洞口雲初起林梢雨乍鳴醉看沾洒處花石轉留情
其二

媚景偏初復陰陰竹萬竿籬花騎向客山雨驟生寒
祇是妨登眺何曾阻笑歡莫教餘興盡明日更憑欄
至大冶旅館同蔡卿同弟仲純季懋携酒見過
山縣廻車後十年今再過花明春欲盡雨霽月偏多
賴汝能携酒鈴予一放歌人間千萬態無奈老狂何
席上贈蔡卿及其二弟仲純季懋

對酒山堂好論文愛弟俱高花呈異色海樹錯三珠
嵩山三花南海三珠樹繡服西臺彥青袍上國儒通家吾亦忝
留醉且須臾

飲周光祿良玉宅

選勝開新第流風自世家樽浮光祿酒欄護廣陵花
遶席苔痕豔臨牕石影斜清言歡未已歸路躡殘霞
哭胡茂承四首

得爾江行信倉皇恨未過故人排難急國士感恩多
無承故客曾司空受恩最深時聞司空被讒極力赴之入郢含雙淚浮沅賦九
歌可憐雞骨盡誰爲起沉痾

其二

自我懸車後惟君
艤棹頻性同文酒癖
交自布衣真暫去
成長別重來是古人
贈言留篋笥披覽
一沾巾

其三

菟園談藝罷鄂渚
問奇來漸喜詞名著
其如病骨摧月寒
曾下榻雲黯舊登臺
客死南陽道卧龍
應並哀

其四

汝亦平津客偏憐
故所親那知長逝
日纔及始衰辰
遠道疑仙夢還家
只鬼鄰林間思酒
能風雨倍傷神
門人徐應時屢過
北園問詩勉之二
首

園居頗清晏

子日追隨竹裏同
逃暑樽前數問奇

爲傳千古業

必衆人知努力還
騷雅登壇勿過時

其二

一有耽詩癖操觚勇自前
今看題柱後猶似執經年
別圃宜頻過詞場孰後傳
但知心匠苦非久定忘筌
戎湖洞口訪王侍御二
有時侍御以直諫被譴
謫判吾州入境暫泊此

有客來天上移舟陶寺門
前山過風雨古洞闢乾坤
白筆心仍苦滄江意愈尊
相看惟一笑把酒坐雲根
其二

抗疏名何有承恩意未終可憐鳴鳳出猶與泣麟同
直道浮湘水深憂在漢宮定逢前席召勿復漫書空
重遊戎湖洞同王侍御徐孫二孝廉作

我昔探奇至猶疑境未全豈知巖際屋翻礙洞中天
束火穿雲竇飛觴挹乳泉靈官自天造深入轉堪憐

其二

何年䟽地肺一徑取天台流水穿廚過飛雲擁坐來
石犀渾欲吼山鬼誤相猜變幻看浮世何如此泛杯
雨中徐應時携具同熊維遠過談即景賦

好事携佳醞聽詩坐晚涼小山殘二華勺水借三湘

染石風萍綠黏屏雨樹蒼此中宜一醉莫謂老夫狂
霖雨暫收同維遠應時出郭觀漲

樹杪觀濤去城中問渡來積陰霾日月飛潦蹴風雷
附郭移家盡深村掩戶哀何當沈秘景急爲挽天災
觀漲後舟過小園同二子漫賦

進艇排花徑支牀坐石林斷垣魚出沒摧檻竹浮沉
谿角松聲冷山頭雨氣深當樽不成飲搦管賦愁霖
又雨二首

踰月無晴月初晴忽雨天盈城多汎宅四望少炊烟
不道陰氛結全侵赤夏權晚涼且高枕愁絕是占年

其二

蜀山纔見日巫峽又行雲石鷺無寧翼江鷗失故群
驚逢西海婦急訴洞庭君坐觀城爲沼繁憂可自分
閱青社諸子詩因賦二律相勉

斐然二三二瀟管厭煩囂一結淮南社真同濠上招
逡巡趨正鵠巧捷見穿鵬萬里橫行好何妨大敵驕
其二

汝輩登場勇兒曹學步隨定操僣氏斧先擇鄧林枝
象外天機動毫端古意馳直須追作者騷雅是吾師
爲君霖題六書樓二首

見道王孫第新營百尺樓江聲迴左蠡斗氣鬱南州
壁擬藏書鑿心同太古遊還疑天祿閣藜火至今留

其二

古法誰重睹六書君更操名樓意不淺榻管視逾高
一洗師秦陋寧辭祖頡勞憑軒宵縱目象緯拂青袍
俞羨長住我北園戲簡二首

怪爾耽幽僻山園穩寄居脩然無旅况豈復是吾廬
入竹行呼酒憑軒坐釣魚過從誰主客身世兩蘧蘧
其二

留賓一水外無異隔天河屈曲移船就艱難送酒過

甌甌洞續稿

卷之四

九

詩題雲石編涼入露林多奪我南窓榻酣眠柰汝何
斗孫病小愈有作

抱汝纔三稔嬰憂已百端常憐雞骨細敢作鳳毛看
餌藥頻憎苦分飴總不歡夜來占起色一日老腸寬
贈雲梯寺醫僧普濟

杖錫丹梯下樞緇過野堂曾浮香水海親禮藥師王
忍草籠中駐慈雲足底翔孤孫幸無恙不減遇長桑
再贈劉醫

短棹重來日相關意頗專業從三世定寶似八公傳
病叟逢人述羸孫賴汝全恰乘涼雨後歸去理芝田

立秋日過北園訪俞羨長見蘭花盛開喜而同賦

密樹蒙修壑叢蘭茁小堂秋風下一葉幽色歛群芳
自結騷人佩誰憐王者香銜杯共心賞時序亦堪忘
有聞寄慰宗良二首

不信皇王裔時危道亦窮名當垂老定詩到拂情工
無力排家難含愁詠國風俠場紛可畏且復避牆東
其二

虺口羣相射雛孤敢自鳴生離成永訣免死亦鍾情
總是疑難辨何言法未平知君憂憤切雷雨望天京

聞楊懋功使君有過訪之興先此訊之

懋功守雲南時子適有貴竹之役亟當通書問矣

未識子雲蓋曾聞著及騷題書通傲外移疾卧江臯
佇望星河迥相求夢寐勞秋風千里駕萬一到蓬蒿

寄酬方士功員外

造次章門別參差掛漢冠題來冰雪句

士功嘗賦雪山水井詩見

贈常助水雲寒白社尊詞筆滄江老釣竿聊因彭蠡

鴈寄語勸加餐

陪俞義長拜先大夫墓志感

何謂論交遠通家義已敦入山求故隴拂石薦芳蓀

雨過林光澹雲來水氣昏
衰年感今昔延佇倍銷魂
同羨長敦甫泛門坊湖舟宿山下

萬水落長堰群峰抱古村
舟乘涼雨泛浪蹠暝雲奔
鴈鶩驚漁笛芙蓉引客樽
只疑查貫月高枕繫河源

寄訊荆晦二首

憶客南州久稱詩汝最先名
依高士立法信郢人傳
雅道無今古窮交已歲年
如何垂老日新意轉茫然
其二

不信同袍友經年一字無
候蟲驚自語江鴈起相呼
秘館延丹客扁扉謝酒徒
總令嘲盡解吾道豈應孤

家四兄六十七生幼子志喜

霞彩燭桑榆中庭喜氣殊憑誰嘲老蚌已自抱明珠
異日車中善無時掌上娛偶從湯餅暇親爲理文襦
家四兄六十八歲得曾孫志喜

幼子勝衣日曾孫屈膝初百年優樹德三世穩充閭

似祖名相望

用古詩

升卿字不虛

用虞卿事

宗祧良有託家

慶復何如

旱後久雨農人病之無出郊行有感二首

夏三無涓滴秋霖奈爾何
過雲封大峽橫潦偃枯禾
入望炊烟少經行野哭多
雞豚僵欲盡租吏忍相過

其二

可惜經旬雨愆期轉病耕坐看田欲變那得稻重生
萬戶征衣急三時早潦并逢人多菜色相顧不勝情
答方寅初見懷

幾載江南北浮家信未通力緣排難盡詩以避讎工
貧病羈人事游揚俠者風歸來猶問字老我愧揚雄
與寅初飲北園

江上初還舊林間一叩扉卻憐風浪色猶滿芰荷衣
倚石題修竹移尊面翠微倘知山水癖不醉肯言歸
秋日王唯吾侍御郊行便過北園不令予知賦

此奉簡

郊行何自適
迤眺總清風
野老方爭席
園人失避驄
俄尋幽徑入
獨坐茂林中
花石都含意
流連悵未同

唯吾侍御過飲北園

秋氣鬱松開
荒亭一水環
客行穿窅窕
衣冷怯潺湲
石灰花間路
雲生竹裏山
月明移小艇
疑在剡溪灣

方士虞子化再過有贈

已道騎雲去
猶然賣藥來
大丹何日月
真氣儘胚胎
六著元非戲
三花可更開
一丘且高卧
看汝躡蓬萊

林嗣庚俞本之過訪北園

江上秋雲色遙隨二客來叩門雙鶴應過雨一樽開
茂樹藏雲屋幽花點石臺交歡殊未罄扶醉躡莓苔
華宜人輓詩爲其仲子紹先索題

學士名元重嚴姬頌益尊家聲流萬石國澤被諸昆
燕喜曾稱壽烏栖已斷魂離離原上草終古拭啼痕
得王承父書卻寄

憶解梁谿棹吳雲首重回夢中三載別秋盡一書來
老病存詩卷窮愁傍酒杯東遊應見汝還上闔閭臺
趙汝脩見過留宿席上作

蚤歲同袍友垂年隔水居偶乘烟艇過使我病容舒

甕倒新筍酒盞供自釣魚酣來發高唱良夜莫教虛

其二

行年過六十百歲幾追歡促席孤懷遣當杯老態寬
澤蘭紛可佩薜蘿靜堪餐聯榻不成寐相呼坐夜闌
禪僧真澄惜我苑居誦經賦贈

一區投老地分與誦經堂錫桂叢林樹永生異域香
風清花雨細境寂梵音長苦海茫無際何時折蒿航
遊大嶺白雀洞即事五首

月傍孤帆落溪懸百箭鳴居人垂釣處前代折衝營
計寧爲吳折衝弔古興長嘸登高結近盟諸賢爭載

酒衰病若爲情

其二

市隔黃龍渚江纏白雀巖晴臯過露冕細浪蹴風帆
屐儘名山折書應古石函扶携上飛磴爽氣薄松杉

其三

不道樵蘇徑居然託勝遊虛鼎疑鳳穴勺水自龍湫
荆莽千秋闢雲霞四壁流無煩采芝朮已可卜丹丘

其四

複嶺橫江介天空四望寬江光杯面出峰影鏡中攢
吳楚雙分野乾坤一大觀醉來狂興發渾欲振飛翰

其五

不忝高陽興追隨並酒人看山忘老大揮手謝風塵
勝蹟聊張楚幽探豈避秦踏歌隨返照烟景倍相親
題張山人春谷圖卷

采藥隨雲住無家路不窮律從吹黍動詩入放梅工
故里陽春近仙源子午通儻知天下谷寧復羨愚公
再送張山人還嘉魚兼東方大司馬

自汝依方叔時名一日多擔簦行雨雪返棹狎風波
賣藥無人識成詩祇自歌爲言巖下老醉舞尚婆娑
送程文學棄官還西陽

古調叶登歌流風壁水多生徒儼南郡經術自西河
正擬趨徵召胡然歎輶軻紅塵一揮手高枕徧烟蘿

贈俞醫士

上古稱俞跗醫爲扁氏師至今神授術猶爲遠孫貽
五氣工調燮群生待護持無須慕鴻寶與爾共餐芝
歲暮劉生見訪

一夜寒江棹夷猶雉水濱登堂如舊識嗜酒亦天真
高蹈名難就遠遊詩漸新留君泛椒栢先借北園春
除夕荅劉生

山城歲已盡客子興猶長但可供遊目無妨在異鄉

物情歸黯淡杯酒託佯狂一夜占春事園中樹樹芳
愛日樓爲劉翊成題

寸草心難問分陰惜未休欲回陽谷景重築武昌樓
舞彩衝雲現稱觴漢水浮羲輪如有意應復爲君留
爲仲明宗侯題小眺亭

築圃纔三畝登亭亦大觀會心亭在遠谷膝易爲安
瀑瀉鵞池細雲披鵝嶺寒性應詞客過年竹恣留歡
贈仲明孝行

江夏稱黃面千秋孝子鄉那知朱邱客無忝白華章
勛鼎嚴三命今星躔五演看來荆楚俗猶復待君匡

黃思素思貞孫以道同兄壻携壺北園餞別蕭
合巹卽席共賦

簾簾村橋外茅齋水石間看雲聊共適對酒莫言還
寒月吐高樹斷鴻鳴故關興從諸子發不復記衰顏
人日病中作

山城苦風雪七日不知春比屋炊烟少誰家剪綵新
杯樽妨老病梅柳失精神坐待江天霽從容拭釣綸
病中聞劉生新遊匡廬又數日未發賦此趣之
已道孤舟發猶然古觀樓山城春寂寞江路兩淒迷
病卧妨呼酒猶尋怯杖藜何時矯雙舄飛跨石梁西

黃州喜遇丘謙之程孟孺

並是經年別偏驚此會奇
開函看近作擊楫慰離思
贊得黃州酒甘如赤石脂
酣歌忘老大日月莽推移

寄唁曾司空二首

郢上司空第胡然遽陸沉
易污終白璧不死自丹心
矢馬天難測亡猿慮獨深
風波一以定安穩閉雲林

其二

自罷西園宴相看赤日昏
如何蒙難地猶號莫愁村
宅徙無懸磬天高有覆盆
它時走相弔何處可開樽

二 均州遇丁美靜憲使邀飲道故

策杖探名嶽停車遇故人十年河上別茲夕夢中親
世事安碁局生涯老釣緡相憐殊不薄杯酒暢陽春
其二

地據方城險提兵漢使來隆中諮遠略幕下錄兼才
白髮驚相問清尊欸自開倚樓時望岳真氣接天回

贈汪懋叔

有引

懋叔一字永叔蓋伯玉司馬從子也以篆隸
客子寓通真觀適蓬萊宮新成爲書三大字
榜其上見者奇之已復爲余作小篆印章並
有古意因贈

訝汝年方少臨池法已工匠心揮聖帚神臂挽強弓
古體三蒼變今文二史同凌雲如有詔莫羨韋生雄

其二

海岳供貧旅詞章屬故家到門寧問字呼酒且看花
衣集芙蓉美書成薤葉斜銀題壯仙觀三具好誰誇
贈胡良濟國醫

有客操鴻術來遊雉水潯紅顏之作餌白屋杏成林
不忝稽含賦能觀龍叔心貧家無可報卮酒代千金
張進卿侍御過飲北園卽事四首

不道幽人徑能停柱史驄晚交塵世外深飲石林中

岬嶺臨丹壑移牀坐綠叢徘徊小山景應與習池同

其二

市遠茅堂靜相看並息機行雲張野慢過雨濕山衣
竹裏泉新沸波間石盡飛渣留不知暑莫是借霜威

其三

園梅落已盡密葉布爲雲列籬無長夏銜杯到夕曛
水烟濃不散竹色秀堪分小作清涼界何妨日對君

其四

涼雲生洞口新水勒山腰並有清狂興難持景物驕
迎船花不斷改席樹相招魚寫都堪狎居然萬慮消

楊伯武林時度過飲北園

湖上雨初霽松間二客來聽泉迂涉澗穿竹徑登臺
石笋排林出巖花拂幔開夕陽紅汎好沾醉踏歌回
竹間聽時茂彈琴

叢篁幽不極况復聽鳴琴指按清商曲絃流太古音
禽魚諧雅奏山水蕩塵心宛似滄浪父重聞澤畔吟
夏日與王萬里泛湖卽事

新漲平無際風來巨浪橫遠山漂欲沒羣鷺起相驚
只縱銜杯興都忘涉險情帆前雷雨過歸路晚涼生
次富口過莊則勸新居小飲

不改蓬蒿徑微增薜荔牆雲烟招大嶺鷗鷺點橫塘
剖橘聊行酒移花漸遠牀隔林漁唱發風景亦滄浪
· 伏日過福勝寺友人徐應時黃思素思貞皆呂
惟烈各携具來予適畏熱戒飲卽事二首

爲覓城西寺晨移短棹來欣逢避暑客同過雨花臺
德水滋深竹慈雲覆古槐病夫新怯醉不敢近樽罍
其二

石徑穿田過花宮隔樹藏披衣玄度社借榻遠公房
午鉢傳僧飯晴林散佛香諸君河朔興酩酊卧斜陽
太和道中雜詠八首

詩中同遊客
謂行甫仲美

怪是神仙窟重來境忽迷松杉隱馳道雲漢接飛梯
卻憶同遊客曾當最勝題祇今成獨往猶復健攀躋

其二

已躡群峰過行行路轉賒岩幽多積雪樹古半栖霞
屢迫山腰險翮疑嶽頂斜前林香氣鬱應駐五雲車

其三

天外流金碧氤氲十二樓雲霞開紫府鸞鶴舞玄洲
儼迓虛皇降聊從羽士遊靈山看不厭欹枕夢仍幽

其四

靈旂標複閣絕磻跨行宮座擁黃金像泉懸白玉虹

豈緣仙骨異常覺道心空玄武留真訣慚予老未通
其五

徑轉峰如削林開石競飛瑞烟通帝座空翠溼仙衣
五嶽晴堪俯群星晝可揮玄空一以悟遂覺萬緣非
其六

累日疲登頓朝來雲幾重林巢千翡翠闕擁萬芙蓉
絕頂靈光矗中天終節從當軒憑九野便好駕飛龍
其七

九土朝真客齋心學道妝駢肩入雲棧努力望天閭
口誦三元呪身懷異域香叩壇據所願清切遇虛皇

其八

宮殿彌山谷分門引萬寮
祠官供祝聖弟子叶鳴韶
杳藹群靈集逆飭萬姓朝
聽經渾不寐彷彿卧叢霄
訪不二和尚

白衲西來後端居虎耳巖
不知深歲月惟見老松杉
頂佛開雲寶詮經閉石函
客來無一語叉手誦那含
謁東陽三國后留贈四首

王好道素來園居者二十年
國倫聞而慕之
因造問焉一言莫逆累日留歡
爰有此贈

欲作淮南客其如愧八公
逶迤遵曲渚寂寞叩離宮

業與丹丘異家於白屋同未須傳秘典已自挹玄風

其二

自謝人間事巖棲二十年誰知龍準裔更似鹿門仙
曉杖耘芝圃春罌灌秫田留賓旋呼酒醉舞信蹁跹

其三

遶徑惟編竹營宮僅剪茅酒邊留問道方外許論交
大藥心相授丹經手自鈔何當捐識業共此白雲巢

其四

累日忘辭去情歡景亦留地鄰玄武谷牕擁太和樓
道自三空悟神將八極遊玉容真帝子何謂不仙流

舟過光化遇門人余明府道故

漢上逢何偶黔南別有年祇今三善具寧藉一經傳
隴水銜城麓玄峰插署前飛鳬鄰葉縣何忝令爲仙
漢陽訪蔡憲使題疑留飲作

一別老風塵相過促膠親只疑江上月猶照夢中人
往事歸成幻言懷醉轉真烟波殊泱泱誰得問垂綸
將發赤壁門人孫武昌渡江見問小飲舟中作
不憚烟江闊輕帆鄂縣來吏人沙上集樽酒浪中開
故是名家齋何言百里才當時推轂意相顧轉徘徊

荅鄒彥吉督學見懷二首

有序

江上聞彥吉與予先後遊太和累日使人探
之不得比還過齊安從行甫所得彥吉見語
書及泊富口見懷二律乃知其先我東下已
數日不及追矣悵然興懷依體賦荅

相望趨名嶽仙蹤不可求依然千里隔猶幸一書留
總自忘羈旅憑誰識故侯遲迴應念我清詠下滄洲
其二

遠別空相憶同遊豈待盟進帆疑咫尺呼酒遲縱橫
仰視浮雲過翻增落照明江行不我遇誰共采蘭蘅
新秋送則勸文赴京謁選

萬里新秋色偏憐老別心
片鴻飛絕塞幾葉下前林
篋笥儒書敝衣冠帝澤深
未應悲末路處處好橫簪

七夕齋中餞別則勸文同劉世仰陳伯珍暨見
無傷賦

初月陰河漢雙星度影遲
可憐今夕別又是隔年期
解劍充行篋分瓜佐酒卮
涼飈清四座深飲莫須辭
寄懷張爲春京兆二首

信使中都隔高風下雉留林亭
思共醉岐路耿長愁
佐郡仍黃綬匡時漸白頭
當年賈生淚應待席前收

其二

爲喜張京兆承恩蚤賜環不緣收駿骨那得覲龍顏
劍佩都人識軒車故吏扳相逢稀舊侶不改只燕山

大司馬子薦王公由薊鎮被命還朝奉寄四首
負韃闐海上分手薊門西多少綈袍意纏綿尺素題
塞塵清玉帳宮日麗桓圭有詔登樞府應知息鼓鼙
其二

自定金陵難英聲振兩都少年優將略歷試老兵符
萬里吞胡氣千秋翊漢圖于今帷幄裏清切贊訃謨

其三

聖主宵衣切元戎露布頻龍顏開祕殿手詔出楓宸
國享清寧福天培社稷臣總懸司馬法九土不揚塵

其四

司馬臨戎久還京尚黑頭千官迎振旅七萃擁鳴騶
已肅華夷望仍紆將相籌不妨霞外友安穩臥滄洲
哭九弟二首

其二

束髮偕吾弟遂循刺一經相看俱老大何乃獨伶仃
舊業蕭然盡流光黯不停傷哉貧病骨也應少微星

行年雖六十生計總勞勞人世無優孟幽冥負叔
病來誰藥餌身後只蓬蒿一哭腸應裂蒼蒼聽豈高
子叔嗣原嘗仕爲縣令不持一錢以歸而此弟老
且無子豈所謂廉吏可爲而不可爲乎詩故
特哀之

熊惟遠至自漢陽將赴燕京故人之招席上言
別

有客浮孤舫烟波江上來病猶殘暑怯樽藉晚涼開
豈羨虞卿壁遙趨郭隗臺幽并風雪苦驅馬幾時回
瞿伯明偶過有感賦此慰之

別子無多日秋生萬木知驚看憔悴色痛掩蓼莪詩

簞食聊分飽廬居勉自支莫言生計拙曾閱是吾師
必全世本兩道友見訪賦贈二首

至人何自至攜手叩山家野服烟霞性童顏日月華
相將傳大藥且與飯胡麻破我遊仙夢蓬萊路不賒
其二

莫訝逢師晚常愁學道難未文三足鼎那得九還丹
訣擬西華授珠從北海餐何時並冲舉携我入雲端
徐應時携具見訪

嗜酒家無力尋常掩草門那知多病後猶有問奇樽
促膝聊深飲篝燈更細論起看涼夜露已自滴桐根

福勝寺方丈訪徐應時不遇留題

憶爾齋居久能無了佛心偶來窺靜室趺坐面空林
石鼎香猶爇茅簷竹漸侵牀頭橫玉軫虛復待知音
黃思素携酒見過酌中大雨卽事

八月苦殘暑俄然風雨來多君能載酒入手莫停杯
坐上涼雲濕簷端急溜催酣餘卽高枕隱隱過鳴雷
朱子得同靖甫伯良小飲北園卽事

詞客自幽興招携看竹來據牀詩態好臨水病懷開
殘暑妨巾舄踈花佐酒盃松臺明月上野望轉徘徊
其二

林亭花欲盡客子興猶偏取石雲中坐移舟樹裏旋
風塵忘曳紫羅薛叩談玄不是諳流水空山擬絕絃
既別子得阻風百箭港而子得亦阻五郎磯下
兩舟相望纔數里不得再就一語爲之悵然

鷁首津門別西風忽已狂兩帆分岬泊一水隔天長
波浪驚推枕乾坤礙舉觴坐看歸鳥外烟樹晚蒼蒼
追至五郎磯下再送子得

拏舟百箭港輟棹五郎磯江路豈不險故人從此違
行行莫辭醉送送猶牽衣四顧長歎息今古知音稀
中秋夜黃思素席上同諸客對月

近市山如畫中秋月故奇清尊諧宴密坐總親知
院靜松風落宵深竹露垂醉看蟾兔影曾是隔年期
往年是夕亦醉此堂

輓瞿叟

憶結漁樵侶猶存朴野風扁舟江上老遺宅夢中同
一解生人累從他世態工豈應泉路去猶復問窮通
向葵卿侍御同諸子過集艸堂論文二首

秋雨山堂僻牢騷雄水濱祇應逃世客能訪灌園人
高會良非偶斯文合有鄰狂夫千古意把酒爲君陳
其二

驄馬諳幽徑無妨此再過論文遵大雅對酒發清歌
往事驚心盡新聲掩耳多諸君欣秉燭老態已婆娑
九日士兒與其友瞿伯明陳伯珍小集大雅堂
分韵有作率爾和之

喜汝諸朋集能成九日詩飲增莫味美饌待菊花遲
露氣寒三迳秋陰澹九疑登高吾亦嬾搖落憐生悲
齋中對菊

最是黃花色能憐白髮人倚籬霜葉短當席露叢新
偶藉供吟咏因之託隱淪不憚開放晚穩與歲寒親
張伯常使君見過宣翁

雙株霜後菊幽色雨中妍況有嘉賓過能無賞與偏
待蟹看不厭促膝語相憐夜靜香盈室深杯喜更添
偶爾移菊泛舟張使君携酒過訪

偶爾移舟出胡然載酒過使君高興發叢菊落英多
小景排青幔餘香度白波晚前新月上何處響漁歌
謝熊惟登送菊

累日酣叢菊后仍送菊來不妨增異種且得助餘盃
味竝延年好懷同寄傲開祇應荒徑裏扶杖與徘徊
光化余明府考績拜命馳封二親寄此稱賀

續自荊襄奏名齊漢吏良五雲懸咫尺列宿總輝光

御氣通南服天書出尚方庭闈增喜色應戴主恩
長

寄懷邢子愿叅知二首

握手遽長別三年萬里心書愁江鴈阻目極海雲深
按劍無常態操絃自古音何時訪東岱杯酒話浮沉
其二

見道抽簪去相羊海岱間振衣觀日出把酒待雲還
一羽遺鐘鼎群星拭佩環詩成但高卧無夢入燕關
爲帝斯宗侯題逸園

誰道幽人徑翻從帝子家穿池開蜃穴築閣俯龍沙

客過珍禽語雲來錦樹斜開開無事趺坐誦南華

其二

典國稱宗老題園借逸民林亭差遠市花石解留賓
興至詩能壯機忘境漸真何須謝主組而後託沉淪
讀貞吉病中諸詩有贈

爲問君何病翻然詩思工言毫侵萬象落楮駭三蟲
恍惚鈞天夢虛無大藥功不須枚乘發神氣晚猶雄
胡載道過歌

漸老思鄉客夢來慰索是酒懷殊不減生計已全踈
何處可彈鋏餘年但讀書時情雙眼過且復醉吾廬

有感寄伯良

言從河內守八月過山園病骨驚花石悲歌怯酒樽
可憐江上別只幸尔猶存思舊聞鄰笛那能不斷魂

哭朱子得詩四首

有序

子得自覃懷奔其大夫人喪還越在草土者
三年衰毀骨立頃始除衰經扶病涉江來訪
予至則八月十五日也予覩其貌侵而神氣
漸耗日僅數粒而食竊有慮焉因勸之勿苦
吟勿豪飲與予清談者數日送之江上又盤
桓數日而別別旬日又賦詩數章附舟人見

報其時尚無恙也未踰兩旬凶問卒至令予
惛然痛之嗟乎嗟乎子得豈自知其將反於
真也來與子訣耶曾幾何時遂成千古業已
買舟往弔會病日不可風乃託子得所善胡
山人先爲致辭而哭以四詩于左嗟乎嗟乎
子得尚能誦子詩而心賞之乎子痛益不可
解矣

哭母方離塊懷子偶入山病無哀未釋神與力俱孱
圃菊殘詩思江雲黯別顏一杯成永訣隔水淚潸潸
其二

豈謂傷離賦，俄成絕命辭。驥心仍自壯，鷄骨竟難支。
總令修文去，寧忘感舊私。祇應山水意，地下覓新知。

其二

朝論循良重，鄉評孝友偏。老親哀絕筆，愛弟愴遺編。
委命同晞露，無兒敢問天。怪來滄水止，入夜結愁煙。

其四

強年金紫客，奄忽委黃墟。達節蒙莊子，游魂屈左徒。
縕山疑馭鶴，漢闕儻飛鳬。見身後誰知，已傷心更老夫。

歲暮方仲美還自郢中夜過對雪

一別年將改，重來雪正深。和歌從郢上，乘興亦山陰。

月朗清虛府雲封玉樹林聊憑中夜酒款語歲寒心

胡伯良再至有感二首

時伯良校刻朱子得遺草成因憐之渡江乞序

愴焉賦此

抱病經時起行吟轉自哀不辭風雨惡又趁早春來
對景偏思舊逢誰更愛才相看憔悴甚強與一銜盃

其二

可憐朱伯子賴汝託生平淚應呼天落魂從絕命驚
斷雲三楚色遺草百年盟一語成今古誰言友道輕
哭座主尹宗伯先生四首

以下戊子歲

憶待金門詔偏逢太史知一言欣遇合九鼎親恩私

漸訝宮牆遠常懸海岳思祇今泉路隔相望獨含悲

其二

命世吾夫子歸然挺豫章腹書成武庫簪筆老文昌
上相仍虛席中台已失光如雲門下士何處不霑裳

其三

卹詔傳三殿儀刑在兩都風高梁木萎山寂夜臺孤
隔世稱師術遺言屬帝謨獨慚非孺子千里負生芻

其四

一命緣推轂諸儒幸在門立朝俱引重去國總銜恩
手詔函無恙心喪禮故敦何能起長夜悽惻賦招魂

題雲徑一首贈鍊之宗族

傍竹斜開徑巢雲穩辟人少年朱邸客幽意白雲親
水石延孤閣烟蘿敞四鄰無時過二仲文酒亦天真
寄題程希武臨川書屋

混跡千家市流風萬石君小堂開水月高枕就峰雲
杯竿松聲到圖書竹色分異時冠蓋里諸子況能文
上驚磯

岸峩驚磯石艱危上瀨船崖侵洄洑墮湍激呂梁懸
象馬排三峽雷霆震九淵病夫眠正起鼓臂助長年
回峰寺

野寺白雲阿扶携
仄徑過林開唐棟宇
地控楚山河
法界潮音寂香臺
鮮色多藥師疑可問
我亦病維摩

寄懷張羽王二首

落落張平子解官
垂十年賦多驚世語
囊乏買山錢
濁酒諸姬勸青箱
二子傳還嗟同調
客相望阻遙天

其二

自隱離山計誰當
識賦才夢尋西粵去
詩寄北園來
萬里窮相弔雙星
遠見猜江天飛一鴈
應自九疑回
過中冷館留贈仲和宗族

偶入蓬蒿徑慙非
二仲流藤花垂屋角
石蘚上牀頭

詩法能傳子高風薄嗣侯圖書看自好杯酒若爲酬

中冷館荅懋成

自仲和子

執禮從賓序稱詩自父風抱書遊世外託跡在牆東
苞彩丹山異衡茅白屋同花間懷古意指點鄂王宮
送叔嘉赴任城爲潘大司空書碑益申相君薦
之也

方舟數百里文酒日相歡袂忽淮南解山將濟上看
司空延重客元輔薦裨官彩華凌東岱吳門練影寒
其二

宣防功已就金河渠汝握凌雲管來磨日觀書

名同鑄禹蹟風並表齊墟一手成三絕神情古不如